

**OPERATORI I SISTEMIT TË SHPËRNDARJES SH.A
DREJTORIA RAJONALE ELBASAN**

Nr. Prot _____

Elbasan, më 15.07.2025

PROCESVERBAL Nr. 1 - Tipi i kontratës - Mallra

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

OBJEKTI I PROCEDURËS: “Blerje kablllo fuqie dhe aksesore ndihmes”

KODI PËRKATËS NË FJALORIN E PËRBASHKËT TË PROKURIMIT (CPV):

- Materiale elektrike 31681410-0

VLERA E FONDIT LIMIT: 89.999.882 (tetedhjete e nente milion e nenteqind e nentedhjete e nente mije e teteqind e tetedhjete e dy) leke pa TVSH ose e konvertuar ne valute; 919.962 (nenteqind e nentembedhjete mije e nenteqind e gjashtedhjete e dy) Euro pa TVSH sipas nivelit te kembimit zyrtar dt. 15.07.2025 te Bankes se Shqiperise (1 EUR = 97.83) lek)

Ndarje ne Lote - Nuk ka

Arsyeja pse eshte marre vendim ne lidhje me mosparashikimin e ndarjes ne lote eshte bere duke patur parasysh faktin se Autoriteti Kontraktor Drejtoria Rajonale e OSSH sh.a Elbasant po prokuron per llogari te OSSH sh.a Qender (Tirane), e cila do te beje plan shperndarje sipas kerkesave te drejtorive rajonale, kerkesa keto te cilat duhet te miratohen me pare nga OSSH sh.a Qender. Gjithashtu mos ndarja ne lote eshte me pak e kushtueshme per AK, pasi kjo do të përfshijë vetëm një kontratë. Menaxhimi dhe ofrimi i furnizimeve mund të jenë më të lehta dhe më pak të kushtueshme për sa i takon kohës, burimeve njerezore dhe logjistike.

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM Nr. 285 datë 19.05.2021 “Për miratimin e rregullave të prokurimit publik”, autoriteti kontraktor Drejtoria Rajonale e OSSH sh.a Elbasan ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

II. KRITERET E VEÇANTA TË KUALIFIKIMIT

2.1. Kandidati/ofertuesi duhet të dorëzojë:

- a. *Formularin Përmbledhës të Vetëdeklarimit, sipas shtojcës 9;*
- b. *Sigurimin e Ofertës, sipas Shtojcës 4.*

Argumentimi: Kërkesat e mësipërme bazohen në nenet 76, 82 dhe 83 të LPP, nenit 26, të VKM nr. 285, datë 19.05.2021 “Për Miratimin e Rregullave të Prokurimit Publik”.

2.2. Kapaciteti ekonomik dhe financiar:

2.2.1. Për të provuar kapacitetet financiare dhe ekonomike, operatorët ekonomikë duhet të paraqesin kopje të deklaratave të xhiros vjetore të realizuar gjatë 3 (tre) viteve të fundit (2022, 2023, 2024), ku vlera e xhiros në të paktën njërin prej tre viteve, të jetë jo më e vogël se 100 % e vlerës së përllogaritur të kontratës, që prokurohet.

Argumentimi: Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43, të VKM nr. 285, datë 19.05.2021 “Për miratimin e rregullave të prokurimit publik”.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në ligjin nr. 8438, datë 28.12.1998 "Për tatimin mbi të ardhurat", i ndryshuar, Udhëzimit të Ministrit të Financave nr.5, datë 30.01.2006, "Për tatimin mbi të ardhurat", i ndryshuar, si dhe kërkesave të ligjit Nr. 25/2018 “Për kontabilitetin dhe pasqyrat financiare

Përcaktimi i vlerës së kërkuar argumentohet si më poshtë:

Vendosja e këtij kriteri kualifikues i shërben Autoritetit Kontraktor për të vërtetuar se operatori ekonomik fitues i zoteron të gjitha kapacitetet ekonomike dhe financiare për të përmbushur me sukses kontratën.

OE ofertues duhet të ketë kapacitetin e duhur ekonomik dhe për këtë qëllim, është argumentuar se vlera e xhiros në të paktën njërin prej tre viteve, të jetë jo më e vogël se 100 % të fondit total limit që prokurohet.

Në rastin e bashkimit të operatorëve ekonomikë ky kriter plotësohet nga secili anëtar i bashkimit në raport me përqindjen dhe/ose kushtet e pjesëmarrjes së tyre në bashkim.

2.2.2 Operatorët ekonomikë duhet të paraqesin kopje të vërtetuar të bilanceve, të audituara nga ekspertet kontabël të licencuar, të konfirmuara nga autoritetet përkatëse të Administratës Tatimore, të tre viteve të fundit (2022, 2023, 2024), ku të paktën në dy bilance të njepasnjeshme, nuk ka raport negativ ndërmjet aktivitetit dhe pasivitetit.

Akt Ekspertizen te Ekspertit Kontabel te Autorizuar, duhet te paraqitet nga Operatori Ekonomik vetem ne rastet kur jane ne kushtet e percaktuara nga neni 41, germa 'c' e ligjit nr. 10091, date 05.03.2009 "Për auditimin ligjor, organizimin e profesionit të ekspertit kontabël të regjistruar dhe të kontabilistit të miratuar" (i ndryshuar).

Argumentimi: Kërkesa e mësipërme është përcaktuar bazuar në nenin 77, pika 3, e LPP, si dhe nenit 43, pika 4, të VKM nr. 285, datë 19.05.2021 "Për miratimin e rregullave të prokurimit publik".

Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht, ligjit nr.10091 date 5.3.2009 "Per auditimin ligjor, organizimin e profesionit te ekspertit kontabel te regjistruar dhe te kontabilistit te miratuar" i ndryshuar.

Kur oferta paraqitet nga një bashkim operatorësh, ky kusht plotësohet nga secili anëtar i bashkimit.

2.2.3 Operatori Ekonomik duhet te paraqese vertetim nga organet e pushtetit lokal (Komuna / Bashkia) per shlyerjen e taksave vendore per vitin 2024 (per NIPT-in kryesor dhe per NIPT-et sekondare), sipas parashikimeve ligjore ne te gjitha vendet ku ushtron aktivitetin sipas Rregjistrimit ne Qendren Kombetare te Regjistrimit. Në rast bashkimi të operatorëve ekonomikë, çdo anëtar i grupit duhet të dorëzojë vërtetimin lëshuar nga Komuna ose Bashkia në të cilën është regjistruar sipas QKR-se.

Ky kriter te permbushet nepermjet paraqitjes se formularit permbledhes te vetedeklarimit sipas Shtojces Nr.9 te DST.

Argumentimi: Gjithashtu ne lidhje me kerkesen per pagesen e taksave vendore referojme se në bazë të pikave 1 dhe 3, të nenit të 77, të ligjit nr. 162, datë 23.12.2020 "Për prokurimin publik" dhe nenit 41, pika 5/ c), të VKM nr.285, datë 19.05.2021 "Për miratimin e Rregullave të Prokurimit Publik", në Neni 5, Rregulla të përbashkëta për taksat vendore, dhe në Kreu II, Taksat vendore, Neni 9, Llojet e taksave vendore, të Ligjit Nr.9632, datë 30.10.2006 Për Sistemin e Taksave Vendore, (i Ndryshuar).

Me anë të kriterit per te paraqitur dokumentacionin e shlyerjes se taksave vendore kërkohet që operatorët ekonomikë te vertetojne se ushtrojne aktivitetin në zbatim të kërkesave ligjore të legjislacionit mjedisor, social dhe të punës.

2.3 Kapaciteti teknik:

2.3.1. Për të provuar përvojën e mëparshme, Operatori Ekonomik duhet te paraqese dëshmi për realizimin me sukses të një ose disa kontratave për furnizimet e mëparshme, të ngjashme, të kryera gjatë tre viteve të fundit, me vlere jo më e vogël se 40% të vlerës së përlogaritur të kontratës që prokurohet dhe që është realizuar gjatë tre viteve të fundit, nga data e shpalljes së njoftimit të kontratës.

a) Si dëshmi për përvojën e mëparshme, Operatori Ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës, ose/dhe fatura tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe sasi të mallrave të furnizuara.

b) Në rastin e përvojës së mëparshme të realizuar me sektorin privat, Operatori Ekonomik duhet të paraqesë vetëm fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.

Plotësimi i njërit prej dy kushteve të sipërpërmendura e bën ofertën të kualifikueshme.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe nenit 40, pika 4, të VKM nr. 285, datë 19.05.2021 “Për miratimin e rregullave të prokurimit publik”.

Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën e kërkuar që është brenda vlerës së përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Duke marrë në konsideratë sasinë dhe cilësinë e mallrave objekt procedure prokurimi, është menduar se vlera e kërkuar që OE ofertues të ketë bërë me kontrata të ngjashme, të jetë jo më e vogël se 40 % të vlerës së përllogaritur të kontratës që prokurohet.

Në këtë mënyrë, AK ka sigurinë dhe besueshmërinë që OE ofertues mund të realizojë kontratën objekt prokurimi pa patur pengesa të ndryshme që do të ndikonin në ecurinë e punës së AK.

2.3.2 Dokumentacioni

Per mallrat objekt prokurimi - “Blerje kablllo fuqie dhe aksesore ndihmes”

Operatori Ekonomik duhet të paraqesë:

1. Operatori Ekonomik duhet të paraqesë autorizim të prodhuesit / distributorit për mallin e kërkuar. Autorizimi duhet të përmbajë të dhëna të plota të prodhuesit si: telefon, fax, e-mail, website, kjo e nevojshme për Autoritetin Kontraktor në rast verifikimi nga ana e tij. Në rast të disponimit të autorizimit të prodhuesit në gjuhë të huaj, ky dokument të paraqitet i perkthyer dhe i noterizuar në gjuhën zyrtare shqipe.

Argumentimi: Autorizimi i prodhuesit është një dokument i rëndësishëm, pasi përveç se tregon origjinën e mallrave që kërkohen në procedurë, na garanton se ofertuesi është i autorizuar për ofrimin tek AK të këtyre mallrave. Kjo garanci lidhet njëkohësisht edhe me treguesit cilësorë të mallrave që kërkohen të blihen e që janë prodhuar në standardet apo prodhues të zyrtarizuar. Ky kriter është jo diskriminues, është në përpjestim me natyrën dhe përmasat e kontratës dhe lidhet drejtpërdrejtë me aftësitë organizative, reputacionin dhe besueshmërinë e OE ofertues për aftësitë

teknike. Kjo kërkesë i shërben autoritetit kontraktor për njohjen e mundësisë së OE-se për përmbushjen me sukses të kontratës. Ky kriter është në përputhje me nenin 77, pika 4, të Ligjit Nr. 162, datë 23.12.2020 “Për prokurimin publik” dhe pikën 6, të nenit 40, të VKM Nr. 285, datë 19.05.2021 “Për miratimin e rregullave të prokurimit publik”.

2. Ne menyre qe te krahasohet pajtueshmeria me specifikimet teknike dhe standartet e kerkuara, Operatori Ekonomik duhet te paraqese: Katalogun/et ose fragmente te katalogut /eve te prodhuesit/ve per mallrat objekt prokurimi ku te tregohen dhe te specifikohen qarte materialet qe do te ofrohen. *Shenim: Fragmentet e katalogut/ve duhet te tregojne lehtesisht dhe qarte qe jane pjese katalogu, si dhe cilit katalog dhe cilit prodhues i perkasin.*

Argumentim: Kriteri i kerkuar ne lidhje me katalogun e prodhuesit/prodhuesve, eshte vendosur ne perputhje me piken 6/b, te Nenit 40 te VKM Nr. 285, date 19.05.2021 “Për miratimin e rregullave të prokurimit publik”.

3. Operatori Ekonomik duhet te paraqese deshmi te testimeve zyrtare te kryera per mallrat objekt prokurimi te leshuara nga institucione te autorizuar ose nga prodhuesi, qe vertetojne pajtueshmerine e mallrave te prodhuara (lista e mesiperme e mallrave) me specifikimet teknike dhe standartet e kerkuara nga Autoriteti Kontraktor.

Argumentimi: Kriteret e kualifikimit vendosen qe ti sherbejne AK-se, per njohjen e gjendjes dhe kapaciteteve te OE-ve, te cilet, nepermjet dokumentacionit te paraqitur duhet te vertetojne se zoterojne kualifikimet e nevojshme si aftesite organizative, reputacionin dhe besueshmerine, pervojen e duhur si dhe cdo element tjeter ne funksion te realizimit me sukses te kontrates. Ne permbushje te kriterit te mesiperm, Operatoret Ekonomike, duhet te paraqesin deshmi te testimeve zyrtare te kryera, leshuar nga institucione te autorizuar, ose nga prodhuesi, per mallrat e cituar me siper, per te krijuar bindjen se malli i ofruar eshte brenda parametrave te kerkuara. Eshte ne te drejten e AK te kerkoje deshmi per rezultatet e testimeve zyrtare qe vertetojne pajtueshmerine e produkteve me specifikimet teknike te vendosura, perpara se AK te beje perzgjedhjen e OE-se fituese. Kjo kerkese eshte ne perputhje me piken 6/c, te nenit 40 te VKM Nr. 285, date 19.05.2021 “Per miratimin e rregullave te prokurimit publik”.

4. Operatori Ekonomik duhet te paraqese certifikate te vlefshme qe verteton se sistemi i kontrollit dhe menaxhimit te cilesise se tij eshte ne perputhje me ISO 9001 - 2015 dhe objekti i saj te perputhet me mallrat e kerkuara. Ne rast bashkimi te operateve ekonomike, secili anetar duhet te paraqese certifikatat ISO te sipercituara.

Argumentimi: Ne lidhje me kërkesën qe OE ofertues duhet të jetë i pajisur dhe të paraqesë certifikaten e standarteve ISO, është menduar se ky është një kriter i domosdoshëm për natyrën dhe vlerën e kontratës si dhe në propocion me te, me qëllim garantimin e realizimit në kohë, me sukses dhe me cilësi sipas standarteve ndërkombëtare të objektit të kontratës.

Certifikata per sistemin e menaxhimit te cilesise ISO 9001 eshte e nevojshme si kriter kualifikues pasi lidhet me natyren dhe vleren e kontrates, me qellim per te vertetuar dhe te garantoje realizimin ne kohe, me sukses dhe me cilesi sipas standarteve nderkombetare te objektit te kontrates. Kërkesa në lidhje me këto certifikata është në përputhje me nenin 44, të VKM Nr. 285, datë 19.05.2021 “Për miratimin e rregullave të prokurimit publik”, dhe nenin 79 të Ligjit Nr. 162, datë 23.12.2020 “Për Prokurimin Publik”.

5. Operatori Ekonomik duhet te paraqese vetedeklarim qe deklaroon se sistemi i menaxhimit te cilesise te prodhuesit / ve , furnizuesit/ve, eshte sipas standartit ISO 9001 - 2015 dhe objekti i saj te perputhet me mallrat e kerkuara.

Argumentimi: Ky kriter eshte kerkuar pasi vetëm prodhuesi mund të vërtetojë se produktet e prodhuara kanë në fakt, karakteristikat e deklaruar. Certifikata e sigurimit të cilësisë ka për qëllim të plotësojë deklaratën fillestare apo certifikatën e përshtatshmërisë. Si provë që janë marrë të gjitha masat e nevojshme për të siguruar cilësinë e produktit, prodhuesi pajiset me certifikatën për cilësinë e sistemit të kontrollit i cili monitoron fabrikimin e produkteve të caktuara. Këto certifikata bazohen në standardet ndërkombëtare ISO 9001: 2000.

6. Operatori ekonomik duhet te paraqese certifikate akreditimi ISO 17025 te laboratorit te prodhuesit (ose distributori i autorizuar) per testimin e kabllave me izolacion XLPE ose ekuivalenten e saj sipas Drejtorise se Pergjithshme te Standartizimit Shqiptar.

Argumentimi: ISO / IEC 17025 eshte standarti kryesor ISO i perdorur nga labororet testues dhe kalibrues , standarti per te cilin shume labororte duhet te akreditohen ne menyre qe te konsiderohen teknikisht kompetente. ISO/IEC 17025 specifikon kerkesat e pergjithshme per te kryer teste dhe/ose kalibrime, duke perfshire marrjen e mostrave. Standarti mbulon testimin dhe kalibrimin e kryer duke perdorur metoda standarte, metoda jo-standarte dhe metodat laboratorike te zhvilluara.

Standarti eshte i aplikueshem, per te gjitha kompanite qe kryejne teste dhe-ose kalibrime. Ketu perfshihen laborore te klases se pare, dyte dhe te trete, dhe laborore ku testimi dhe/ose kalibrimi eshte pjese e inspektimit dhe certifikimit te produktit.

ISO / IEC 17025 eshte eshte i zbatueshem per te gjitha labororet , pavaresisht nga numri i personelit ose shtrirjes se fushes se testimi dhe/ose kalibrimit.

Labororet perdorin standartin ISO / IEC 17025 per te zbatuar nje sistem te cilesise qe synon permiresimin e aftesise se tyre per te prodhuar vazhdimisht rezultate te vlefshme. Ky standart eshte gjithashtu baze per akreditim nga nje autoritet akreditues. Klientet e labororeve, autoritetet rregullatore dhe organet e akreditimit mund ta perdorin standartin ne konfirmimin ose njohjen e kopetences se labororeve.

Si nje laborator i akredituar me ISO 17025:2017, ISO / IEC 17025 perfshin njohjen e kompetences teknike te labororeve.

- Kërkesa teknike të permiresuara ku perfshin shtimin e trajnimeve te personelit dhe te dhena te detajuara, zhvillimin e metodës dhe procedurave te validimit, matjen e metodës te pasigurisë dhe kalibrimi i pajisjeve te caktuara dhe program mirembajtjeje
 - Nje perkufizim me te forte te procesit te pergatitjes se mostres do te dokumentohet per te ruajtur qendrueshmeri ne marrjen e mostrave, dhe nje program me rigoroz ne monitorimin e kontrollit te cilesise se zbatuar.
 - Permiresim i cilesise se menaxhimit i perqendruar ne kontrollin e dokumenteve per te mbajtur procese te qendrueshme analitike, permiresim i monitorimit te performances se furnitoreve, si dhe nje sistem per trajtimin e komenteve dhe ankesave te klienteve, me permiresim te vazhdueshem nepermjet procedurave korigjuese dhe parandaluese te veprimit.
 - Rishikim i manaxhimit te veprimeve korigjuese , testime jo konforme dhe ndihma ne percaktimin e trendeve testuese afatgjate.
 - Identifikimi i shpejte ne zgjidhjen e ceshtjeve ne lidhje me metodat , personelin ose pajisjet, per rritjen e kenqesise se klientit, plotesimin e kerkesave te cilesise se klienteve te specializuar, si dhe rritjen e pergjithshme te biznesit laboratorik.
7. Operatori Ekonomik duhet te paraqese deklarate konformiteti ku te shprehet qe materialet te kene markim CE.

Argumentimi: Kërkesa per paraqitjen e deklarates se konformitetit per produktet qe kerkohen me siper, eshte nje kerkese e lidhur ngushtesisht me objektin e kontrates dhe duke qene se, Autoriteti Kontraktor eshte perfitues direkt i kontrates objekt prokurimi eshte ne te drejten e tij te garantohet se OE-te pjesemarres i plotesojne kerkesat e cilesise se mallit qe do te ofertohej, rrjesimisht eshte e drejte e AK-se tu kerkoje ofertuesve qe te paraqesin deklarate per te vertetuar konformitetin prodhimit te produkteve te procedures e prokurimit. Per Autoritetin Kontraktor eshte e nevojshme qe, Operatorët ekonomike gjate ofertimit te tyre te provojne se zoterojne kapacitetet teknike lidhur me deklaraten e konformitetit per artikujt e kerkuara me siper. Kërkesa e mesiperme ka si qellim te siguroje AK-ne, mbi aftesite teknike te OE fitues ne drejtim te permbushjes me sukses te kontrates dhe detyrimeve ne zbatim te saj, konform standarteve te mirepercaktuara ne DST. Ky kriter nuk eshte diskriminues dhe eshte proporcional me objektin e kontrates, si dhe eshte ne zbatim te Nenit 44 te VKM Nr. 285, datë 19.05.2021 “Per miratimin e rregullave te prokurimit publik”.

8. Operatori Ekonomik duhet te paraqese certifikate leshuar nga prodhuesi (ose distributori i autorizuar) qe kabllot e ofruara jane ne perputhje me standartin e harmonizuar European HD 603, ose ekuivalentin e saj sipas Drejtorise se Pergjithshme te Standartizimit Shqiptar

Argumentimi: Në standardin HD 603, përfshihen kabllot e energjisë të izoluar XLPE, të cilat janë të përshtatshme për përdorim në linjat publike të shpërndarjes së sistemeve nëntokësore të shpërndarjes së tensionit të vlerësuar AC prej 0.6/1 kV dhe më poshtë. Kur kablloja përdoret në një sistem DC, tensioni në tokë nuk duhet të kalojë 1.8 kV.

Përçuesi i kabllit mund të jetë bakër ose alumin dhe aliazh alumini, dhe përputhet me rregulloret e HD383. Numri i bërthamave mund të jetë 1 bërthamë, 2 bërthama, 3 bërthama, 4 bërthama, 5 bërthama.

Sipas rastit të përshtatshëm të produktit, kabllo e energjisë të izoluar XLPE mund të jenë kabllo rezistente ndaj flakës, me tym të ulët, pa halogjen dhe rezistente ndaj flakës.

9. Në menyre që të krahasohet pajtueshmëria me specifikimet teknike dhe standartet e kërkuara, Operatorët Ekonomik ofertues duhet të paraqesin pranë Autoritetit Kontraktor, Drejtoria Rajonale OSSH sh.a, Elbasan mostrat e mallrave që përbejnë nga një zë, për çdo artikull, deri momentin e hapjes së ofertave, përkatësisht:

- Gilza me bullon për kabllo XLPE-AL 185 mm² 24 kV
- Terminal 20 kV me kapikorde AL-CU për seksion (70÷240mm²) unipolare për ambient të brendshëm)
- Koka kablli TM 20 kV, të jashtme, 1x(95-240) mm²
- Kabllo TU, AL 4x35 mm² izol. PVC, 0.6/1kV
- Kabllo fuqie 0.6/1 kV XLPE, AL-4x50 mm²
- Kabllo TM 10 kV, XLPE, AL-3x50mm²
- Kapikorde tubolare bimetalike AL-CU për percjelles 35 mm²

Argumentimi: Kriteret e kualifikimit vendosen që të shërbejnë AK-së sipas referimeve të VKM Nr 285 datë 19.05.2021 nëni 40 paragrafi 6 i të cilit përcakton: *”Autoriteti/enti kontraktor mund t’u kërkojë operatorëve ekonomikë të dorëzojnë dëshmi, që tregojnë se ata i plotësojnë kërkesat minimale, të përcaktuara në dokumentet e tenderit, si: mostra të mallit, kur e gjykon se kjo ka rëndësi për vlerësimin e ofertës teknike. Në këtë rast, autoriteti/enti kontraktor duhet të argumentojë kërkesën për mostrat. Mostrat duhet të trajtohen si informacion konfidencial tregtar dhe duhet të jenë në kontroll të autoritetit/entit kontraktor. Në rastin e procedurave të zhvilluara me mjete elektronike, autoriteti ose enti kontraktor përcakton qartë procedurën për dorëzimin e mostrave, duke garantuar aksesin e çdo operatori të interesuar si dhe konfidencialitetin për pjesëmarrjen në proces”.*

10. Operatori ekonomik/ofertues duhet të paraqesë Tabelat me të dhënat teknike të kabllove të kërkuara, të plotësuara dhe të firmosura nga prodhuesi

Argumentimi: Kriteret e kualifikimit vendosen që të shërbejnë AK-së për njohjen e gjendjes dhe kapaciteteve të operatorëve ekonomikë të cilët nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme si aftësitë organizative, reputacionin dhe besueshmërinë, përvojën e duhur si dhe çdo element tjetër në funksion të realizimit me sukses të kontratës. Në përmbushje të kriterit të mesipër, OE duhet të paraqesin tabelat me të dhënat teknike të kabllove të kërkuara të plotësuara dhe të firmosura nga prodhuesi, për të krijuar bindjen se malli i ofruar është Brenda parametrave të kërkuara. Është në të drejtën e AK të vërtetojë dokumenta teknike që vërtetojnë pajtueshmërinë e produkteve me specifikimet teknike të vendosura, përpara se AK të bëjë përzgjedhjen e OE -së fituese. Kjo kërkesë është në përputhje me nenin 40 të VKM-së Nr. 285, datë 19.05.2021 “Për miratimin e rregullave të prokurimit publik”

11. Në funksion të plotësimit të Shtojcës 9 “Formulari përmbledhës i vetedeklarimit” Operatori Ekonomik ofertues duhet të japë të dhëna të qarta si Emer, Mbiemër, Ates, Ames, Datelindje,

Vendlindje, Numer Personal, si dhe kopje te skanuar te dokumentit te identifikimit (shqiptar ose te huaj), per Administratorin / Administratoret e shoqerise, Ortakun/Ortaket e shoqerise, perfaqesues te ndryshem te posacem te shoqerise, drejtues te ndryshem te shoqerise.

Argumentimi: Ky kriter vendoset referuar njoftimit të përbashkët Nr. 1155 prot, datë 01.02.2019, të Agjencisë së Prokurimit Publik dhe të Ministrisë së Drejtësisë Nr. 1001/1 prot, datë 01.02.2019, sipas parashikimeve të nenit 76/1, të Ligjit Nr. 162, datë 23.12.2020 “Për prokurimin publik”, Autoriteti Kontraktor OSSH sh.a. Elbasan, ka detyrimin e verifikimit të personave të cilët janë në cilësinë e anëtarit të organit administrativ, drejtuesit ose mbikëqyrësit, aksionerit ose ortakut, ose ka kompetenca përfaqësuese, vendimmarrjeje ose kontrolluese brenda operatorit ekonomik.

Per këtë arsye, verifikimi i ketyre personave kerkon te dhëna te sakta si emër, mbiemër, atesi, amësi, vendlindje, datëlindje e numrin personal të personi.

II. Argumentimi i specifikimeve teknike.

- *Specifikimet teknike jane hartuar duke marre ne konsiderate nevojat e Autoritetit Kontraktor, per mallrat objekt procedure prokurimi, duke perlllogaritur sasite e nevojshme, karakteristikat e duhura dhe standardet e duhura kombetare dhe nderkombetare, sipas parashikimeve te nenit 36, te Ligjit Nr. 162, date 23.12.2020 “Per prokurimin publik”.*

NJESIA E PROKURIMIT

Altin Musollari

Klara Beqiri

Julmir Boja

,